

La doturia Grete Mahlknecht é demez ai 16 y 17 (lönesc y dedolönesc) de setëmbër y vëgn sotituida dal dotur Letterio Taormina 340 32 28 655

COMUN: Les prömes döes edemes d'otober vëgnel indô metü sö ti trêi paisc San Martin, Lungiarü y Antermëia les bënes da sciurê ite i ciüf de sorâ y d'urt; an racomana da sciurê tles bënes ma i ciüf, nia lades, fassli, peres e d'ater.

SAN MARTIN Y LUNGIARÜ

Orar dles mësses sö Oies: Dai 17 de setëmbër inant gnará la mëssa sö Oies tignida vigni de dal mertesc/dedolönesc ala domënia dales 16.00.

Invit ala oraziun de Taizé, en vëndres, ai 20 de setëmbër, sö Oies dales 20.00.

L'UML y la Unité Pastorala recorda le domisdé de spiritualité y cultura en vëndres, ai 20 de setëmbër, dales 15.00, sö La Val - *ciarede tl'ultima plata!*

La Uniun dles porsones vëdues y sores inviëia al peregrinaje a Weissenstein l'atra jöbia, ai 26 de setëmbër, cun la coriera che passa a San Martin dales 07.45; dales 11.45 mëssa cun siur Iaco W., marëna tl Hotel Weber; dales 15.00 piunse ia a ciasa, dales 17.00 picia marëna tl Brunnerhof. lade y marëna costa 50 euro. Anunziëse cina ai 20 de setëmbër por telefon 0474 590 069.

Invit al Peregrinaje dla Jënt Ladina al Santuar de Sant Ujöp Frëinademetz sö Oies en sabeda, ai 21 de setëmbër: dales 14.30 s'incunta i peregrins tla dljia de San Linert, dales 15.00 pëion ia por le tru dles Staziuns, dales 16.00 mëssa ladina conzelebrada da pater Guido Demetz, pater Franz Senfter y siur degan Iaco Willeit; al cianta na grupa dl cor de dljia da Urtijëi; dales 15.00 pice renfrësch por duc i peregrins organisé dala Uniun Generela di Ladins dles Dolomites y dales Uniuns dles cin' valades.

SAN MARTIN

Festa de bëgnnù a nosc ploan nù, siur Klaus Sotssas, y a siur Heinrich Perathoner, en domënia ai 22 de setëmbër, segra da San Martin.

Döta la comunité é dër bel inviada da s'abiné dales 9.30 tla plaza de dljia a tö ite y salude i proi, a jí deboriada te dljia y festejë la mëssa da festa cun l'afidamënt dla ploania.

Do mëssa s'abinunse sö dal paiun a fá conferta olach'i podun saludé i proi nüs y tö pert ala festa organizada dai stüdafüch. Düc y dötes é dër bel invia/ades

LUNGIARÜ

La Uniun di Seniors da Lungiarü inviëia en domënia, ai 22 de setëmbër, a na spazirada sö post: l s'abinun dales 14.00 ite da Punt de Rù Fosch y jun adöm do Taiada ite cina sö Seres olach'i jun tla ostaria Vanc a se bëre n bun café. Düc é invia - gnide tröc! -----

La Uniun di Stödafüch inviëia ala festa dla Segra da San Martin che mët man en sabeda, ai 21 de setëmbër, dales 18.00: Burger & Beer - Party cun DJ en domënia: dales 9.30 Mëssa da festa cun i proi nüs siur Klaus Sotssas y siur Heinrich Perathoner; do mëssa conferta dla comunité cun i proi nüs y matinee. dales 13.00 la Bömische da La Ila y Ossi de Lipo.

Le Museum Ladin de Tor inviëia la daurida dla mostra „Trienala Ladina 2019“ en vëndres, ai 20 de setëmbër, dales 19.00, - *ciarede plü avisa tl'ultima plata*



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

15.09. – 22.09.19 nr. 42

ultimo termo por comunicaziuns: jöbia dales 20.00

radio: 90,40 / 93,70

24ª DOMËNIA ia por l'ann C

Vangele do Lüca 15,1-32

Sce un de os à cënt bisces y nen perd öna, ne l'àscel nia spo indô les nonantenü tla stëpa y ti va do ala pordüda, cina ch'al ne la ciafa?....

O sce na ëra à diesc drahmes y nen perd öna, ne impëiera nia spo na löm, scô döta la ciasa y chir zënza lascé do, cina ch'ara ne ciafa la monëda?....

Le fi che â desmandré ia döta l'arpejun é pié ia y é indô jü da so pere.

Le pere l'â bele odü gnun dalunc adalerch, y s'al menâ picé.

Dlun saltan ti él jü adincuntra,
ti é salté incër le col y l'â bajè.

Al ti à dit ai fané: Jide debota
a tó la plü bela iesta y vistidila,
metedi n anel tla man y vistidi i cialzà.

Tolede ia le videl miorè;
i orun mangé y fâ gran festa.



Les imajes de chëstes trêi paraboles conesciunse, y impó paiel la mëia da jí plü sot y nes damané ci ch'al vëgn dit de Chël Bel Dî, de degügn d'atri vëgnel baié chiló ater co de d'ël.

Idî é sciöche n famëi che lascia dötes les atres y vá a chirí la biscia che s'á inrabí.

Idí é sciöche na ëra che chir te vigni piz la monëda pordüda.

Idî é sciöche n pere che aspeta n dé sön l'ater ch'al vëgnes indô adalerch le fi che s'un é jü demez da ciasa.

Na paziënza infinida él Chël Bel Dî che á cun la jënt.

*Na ligrëza infinida él Chël Bel Dî che á sce zacai se lascia ciafé,
sce zacai vëgn indô a ciasa da d'ël.*

Döt ci che é sté n'é nia important. Important él che le fi é indô chiló.

*A vignun de nos nes aspeta le Pere, n de sön l'ater,
cun na misericordia che abracëia.*

	SAN MARTIN	LUNGIARÜ	 En jöbia, ai 12 de setëmbër, èl mort tl ospedal da Balsan siur Vito Rubatscher, ince sc'al â da combate cun la sanité ne s'al essun nia aspetada. Sciöche èl instëss dijô, èl arjigné. Al passenëia dër bun pro siur Vito le zitât fora dla Sacra Scritöra, ch'i ciafun ince sön súa santa da mort: <i>"Ralegresse dagnora tl Signur! Ciamó n iade ves diji: Ralegresse! Osta bunté ti devëntes conesciüda a dōta la jënt. Le Signur é daimpró."</i> Filip. 4,4.5 I se recordun siur Vito dantadöt por sües pordiches te n lingaz scëmpl y tler, che descedâ tla comunité ince datrai val' perplessité y che inviâ propi da ponsé do. (Ponsede ma n pü do! ") Al ê n gran anunziadú dla misericordia y dla pordenanza de Dî. Sambëgn dêl ince da intène che defrunt ala gran bunté de Dî ne se pól nia ester döt anfat, mo che l'amur de Dî ghira ince nosta risposta. Insciö s'infidâl ince da mëte en discusciun certes usanzas religioses fates zënza convinziun. Tla zelebrazion dla liturgia, ess siur Vito ion orü, trá ite dōta la comunité, por ejëmpl: ince tla gran oraziun dla mëssa tan inant ch'ara vëgn periada tla forma plurala. Pro les oraziuns ch'i sun ausá da perié surafora zënza tó söl sciode le contignü, inviâl da crëie a ci ch'i periun y da confidé tla presënza y tl aiüt de Dî. Y te súa bela maniera salesiana ^ll ince bun da ajunje la jonëza. DI bun sorvisc da prou ch'al á fat te nostes ploanies dal altonn 2005 al iste 2014, cun dediziun zënza se sconé instës, orunse ti dí a siur Vito dër bel dilan y s'al recordé te nosta oraziun.
15.09.19 24^a DOMËNIA DL ANN C <i>Maria Adolorada</i>	9.00 Corona 9.30 Gran Mëssa (<i>siur Iaco Ploner</i>) por i benefaturs de dlijia y calonia 19.30 Corona por siur Vito tla Ciasa de Palsa	7.55 Corona 8.15 Gran Mëssa (<i>siur Iaco Ploner</i>) 14.00 Prozesciun da insom le lift demez 15.00 Liturgia dla Parora sô La Crusc	
16.09.19 Lönesc <i>Cornel y Cyprian, Iulia, Edith</i>	13.45 La Val: Acompagnamënt te dlijia 14.00 Mëssa de sopoltöra de siur Vito Rubatscher	13.45 La Val: Acompagnamënt te dlijia 14.00 Mëssa de sopoltöra de siur Vito Rubatscher	
17.09.19 Dedolönesc <i>Hildegard da Bingen, Robert</i>	19.30 Mëssa (<i>siur Heinrich Perathoner</i>) + Sepl Trebo de Tor + Vijo Clara	7.30 Mëssa (<i>don Cristiano</i>) de rengraziamënt	
18.09.19 Dedemesaledema <i>Lambert, Richard, Ariana</i>		7.30 Mëssa (<i>don Cristiano</i>) a d'intenziun	
19.09.19 Jöbia <i>Jenare, Igor, Nando</i>	7.30 Mëssa (<i>siur Heinrich Perathoner</i>) ++ Pia y Giovanni Trebo de Tor Corona por vocaziuns	7.30 Mëssa (<i>don Cristiano</i>) ++ Pire y Angela Dapoz	
20.09.19 Vëndres <i>André Taegon, Paul Hasang</i>	19.00 Adoraziun chîta 19.30 Adoraziun deboriada	7.30 Mëssa (<i>don Cristiano</i>) + Fonjo Castlunger	
21.09.19 Sabeda <i>Matî apostul y vangelist, Iona</i>	15.30 Mëssa tla Ciasa de Palsa 18.30 Mëssa prefestia (<i>siur Iaco Ploner</i>) ++ Otto y Clara Zingerle ++ de Martin xx	20.00 Mëssa prefestia (<i>siur Heinrich P.</i>) a d'intenziun de Nazio y Loise Clara por sües families	
22.09.19 25^a DOMËNIA DL ANN C	Segra da San Martin: Aniversar dla Consacraziun dla dlijia 9.30 Dan dlijia: Salüt ai proi nüs Ingres deboriada te dlijia Mëssa da festa y afidamënt dla ploania dedô Conferta cun i proi sô dal paiun pro la festa organ. dai Stödafüch	7.55 Corona 8.15 Zelebrazion dla Parora de Dî 15.00 Corona tla capela de S. Ujöp Fr.	